



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odluka
o davanju saglasnosti za pristupanje Projektu rekonstrukcije dječjeg igrališta
u ulici Trg Grada Prato
(Prijedlog)

Predlagač: Gradonačelnica

Obradivač: Služba za urbano planiranje,
investicijske, stambene i komunalne
poslove

Sarajevo, decembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 16. stav 1. tačka 2. i člana 26. stav 1. tačka 2. Statuta Grada Sarajeva, („Službene novine Kantona Sarajevo“, broj 34/08 – prečišćeni tekst), Gradsko vijeće Grada na __. sjednici održanoj __. __. 2021. godine, donijelo je:

(Prijedlog)

Odluku
o davanju saglasnosti za pristupanje Projektu rekonstrukcije dječjeg igrališta
u ulici Trg Grada Prato

Član 1.

(Predmet odluke)

Gradsko vijeće Grada Sarajeva daje saglasnost gradonačelnici Grada Sarajeva za pristupanje projektu rekonstrukcije dječjeg igrališta u ulici Trg Grada Prato sa Općinom Novi Grad Sarajevo.

Član 2.

(Finansijska sredstva)

Sredstva za sufinansiranje projekta Grad Sarajevo će obezbijediti u Budžetu Grada Sarajeva za 2021. godinu u iznosu od 31,242.00 KM (tridesetjednuhiljadudvijestotinečetredesetdvije), odnosno 50% potrebnog iznosa na poziciji 615 100 – Kapitalni transferi drugim nivoima vlasti, Općina Novi Grad sufinansiranje Projekta rekonstrukcije dječjeg igrališta u ulici Trg Grada Prato

Član 3.

(Općina Novi Grad)

- (1) Općina Novi Grad će kao implementator projekta obezbijediti sufinansiranje u iznosu od 50% potrebnih sredstva, provest će postupak javne nabavke za radove i usluge nadzora.
- (2) Općina Novi Grad će po okončanju projekta dostaviti Gradu Sarajevu izvještaj o utrošku sredstava.

Član 4.

(Ovlaštenje)

Gradsko vijeće Grada Sarajeva daje ovlaštenje gradonačelnici Grada Sarajeva za potpisivanje Sporazuma o regulisanju međusobnih prava i obaveza na realizaciji projekta iz člana 1. ove odluke, a koji će Grad Sarajevo zaključiti sa Općinom Novi Grad Sarajevo.

Član 5.

(Stupanje na snagu)

Ova odluka stupa na snagu naredni dan od dana objave u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 16. stav 1. tačka 2. („Službene novine Kantona Sarajevo“, broj 34/08 – prečišćeni tekst) kojim je propisano da je Grad Sarajevo nadležan, između ostalog, i za javne parkove i članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Grad Sarajevo je opredijeljen da javne parkove i zelene površine dovede u adekvatan red, a sve u granicama svojih nadležnosti uz saradnju sa ostalim institucijama i nadležnim pravnim licima.

Na prijedlog Općine Novi Grad, Grad Sarajevo će dati doprinos u rekonstrukciji postojećeg dječjeg igrališta u ulici Trg Grada Proto, na području MZ Dobrinja A, ukupne vrijednosti 62.483,83 KM sa PDV-om. Navedeno dječje Igralište sastoji se od dva manja igrališta za manju djecu od 1 do 3 godine i za djecu od 3 do 12 godina. Planirana je demontaža postojeće opreme, sanacija i uređenje platoa igrališta i to kula sa toboganima, ljuljačke, klackalice, njihalice, kao i parkovska oprema (klupe za sjedenje i korpe za otpatke). Predviđeno je da se igralište za manju djecu ogradi, a da se na oba igrališta kao podloga postavi antistres guma, kao i da se izvrši ambijentalno uređenje zelene površine.

Predviđeno je da sva oprema koja se planira za ugradnju na igralištima mora ispunjavati sve važeće EU standarde i zakone za navedenu oblast.

Imajući u vidu naprijed navedeno, Grad Sarajevo će sufinansirati 50% potrebnih finansijskih sredstava koja su obezbjeđena u Budžetu Grada Sarajeva, na poziciji 615 100 – Kapitalni transferi drugim nivoima vlasti, Općina Novi Grad sufinansiranje Projekta rekonstrukcije dječjeg igrališta u ulici Trg Grada Prato

Općina Novi Grad će kao implementator projekta, također, obezbijediti sufinansiranje u iznosu 50% potrebnih sredstava te će provest javne nabavke za radove i usluge nadzora. Po okončanju projekta Općina Novi Grad će dostaviti izvještaj o utrošenim finansijskim sredstvima Gradu Sarajevu.

FINANSIJSKA SREDSTVA

Finansijska sredstva koja Grad Sarajevo treba izdvojiti u navedene svrhe u iznosu od 31,242.00 KM (tridesetjednuhiljadudvijestotinečetredesetdvije), planirana su na poziciji 615 100 – Kapitalni transferi drugim nivoima vlasti, Općina Novi Grad sufinansiranje Projekta rekonstrukcije dječjeg igrališta u ulici Trg Grada Prato